

galicia

2017

*Campamentos de verán
específicos para persoas
con discapacidade*

Campamentos de verán específicos para persoas con discapacidade 2017

Permiten gozar, durante 10 días, dunha estadia socializadora e de convivencia, nun espazo lúdico, humano, integrador, formativo e seguro; mediante o desenvolvemento de actividades que este ano estarán dirixidas especialmente ao fomento de habilidades sociais, ao contacto coa terra, ao coñecemento da propia cultura e á educación para a saúde.

Persoas destinatarias

As que teñan recoñecida a condición de persoa con discapacidade, unha idade comprendida entre os 11 e os 40 anos e presenten calquera tipo de limitación e/ou necesidade especial.

Destinos, actividade, idades, datas, prazos e prezo

Destinos		Actividade	Idade	Datas	Nº de prazas	Prezo
Albergue Xuvenil de Gandarío Bergondo. A Coruña.		Natureza xunto ao mar	de 11 a 14 anos	do 11 ao 20 de agosto	15	125 €
			de 15 a 18 anos	do 11 ao 20 de agosto	25	
			de 19 a 25 anos	Do 1 ao 10 de agosto	30	
			de 26 a 40 anos	do 20 ao 29 de agosto	30	
Residencia de Tempo Libre Panxón. Nigrán. Pontevedra.		Teatro e aventura na natureza	de 11 a 14 anos	do 1 ao 10 de setembro	10	125 €
			de 15 a 18 anos	do 1 ao 10 de setembro	10	
			de 19 a 25 anos	do 1 ao 10 de xullo	15	
			de 26 a 40 anos	do 1 ao 10 de xullo	15	
Total					150	

Requisitos

- Ter recoñecida unha porcentaxe de discapacidade igual ou superior ao 33%.
- Ter unha idade comprendida entre os 11 e os 40 anos. Ter cumprida a idade mínima establecida ao inicio da quenda e non superar a máxima á súa finalización.
- Estar empadroados nalgún concello de Galicia.
- Non padecer enfermidade transmisible con risco de contaxio.
- Non presentar trastornos que poidan alterar a convivencia durante o transcurso da actividade.
- Ter unha capacidade mínima de comunicación e de participación nas actividades que se van desenvolver.
- Ter unha mobilidade acorde coas características da instalación que solicita.

Servizos ofertados

- Aloxamento en albergue, residencia ou apartamento, segundo o destino solicitado.
- Manutención en réxime de pensión completa.
- Programa de actividades de animación sociocultural.
- Material necesario para a actividade.
- Equipo técnico de persoal especializado en animación sociocultural, actividades de tempo libre e náuticas.
- Atención sanitaria de primeiros auxilios e seguro de accidentes.

Modelo de solicitude e de informe médico

A solicitude e o informe médico formalizarase nos impresos oficiais e terán que estar asinados polos pais/nais ou titores das persoas con discapacidade e polo persoal médico, segundo corresponda. Estes impresos están á disposición das persoas interesadas na páxina web:

<http://politicassocial.xunta.gal/web/portal/portada>

Prazo e lugares de presentación de solicitudes

Ata o día 2 de maio incluído.

As solicitudes, acompañadas da documentación requirida, presentaranse por calquera dos medios establecidos na Lei 39/2015, do 1 de outubro, do procedemento administrativo común das administracións públicas, e dirixiranse á:

Consellería de Política Social.

Dirección Xeral de Maiores e Persoas con Discapacidade
Edificio Administrativo San Caetano, s/n.
15781 Santiago de Compostela.

Custo da praza e bonificación

As persoas participantes deberán ingresar a cantidade establecida, nos termos que se lles indiquen ao notificarlles a concesión da praza.

Ese importe pódese reducir nun 50% se a persoa ten o título de familia numerosa e nun 25 % se ten o carné xove. Estes descontos non serán acumulables en ningún caso.

No caso de acollerse a algunha destas dúas condicións terase que acompañar coa solicitude o documento acreditativo (fotocopia do título de familia numerosa ou do carné xove, segundo proceda).

Adxudicación e confirmación de asistencia

As solicitudes serán valoradas por unha comisión composta por representantes da Dirección Xeral de Maiores e Persoas con Discapacidade, de acordo cos seguintes criterios:

- Participación no programa en anos anteriores
- Lugar de residencia.
- Terán preferencia as persoas que:
- Non participaran neste programa en anos anteriores
- Residan habitualmente no domicilio familiar.

No caso de empate, serán adxudicatarias da praza as persoas que antes presentasen a solicitude.

As persoas seleccionadas comunicarán no prazo máximo de 10 días naturais, contados desde o seguinte ao da recepción da notificación, a aceptación ou renuncia da praza no modelo que se lles facilite para o efecto.

Comezo e remate da estadia

A incorporación á instalación na que se vai levar a cabo o campamento será por conta da persoa interesada o día de inicio da quenda correspondente, entre as 16.00 horas e as 19.00 horas; fóra dese horario non se admitirá a ningún.

Ao remate da quenda, ou no suposto de abandono da actividade antes de que finalice, será responsabilidade dos pais/nais ou titores/as legais a recollida e traslado da persoa participante ao seu domicilio, así como os gastos que por tal causa se ocasionen.

Obrigas das persoas participantes

- Incorporarse á actividade e regresar polos medios e nos prazos establecidos.
- Non abandonar a actividade sen a autorización por escrito da persoa responsable.
- Respetar as normas establecidas polo persoal responsable da actividade, as normas de réxime interior das respectivas instalacións e, en xeral, as establecidas pola lexislación vixente na materia.
- Abandonar a actividade acompañado dos seus responsables, no caso de non adaptarse ás condicións que se requiren para o desenvolvemento do campamento, tanto as derivadas da actividade en si como as da súa propia actitude, ou de darse circunstancias que impidan o transcurso da estadia co resto dos compoñentes do grupo.

Devolución de cotas

1 Se unha vez obtida a praza e aboado o prezo correspondente, a persoa interesada non puidese asistir á actividade, só terá dereito á devolución deste, no caso de que comunique a renuncia á praza por escrito e solicite a devolución da cantidade pagada polo menos dez días naturais antes do inicio da actividade, ou cando, por causas non imputables á persoa interesada, non se preste o servizo ou a Administración anule a actividade.

2 Todas aquelas solicitudes de devolución de cota que non sexan presentadas, tal e como se reflicte no punto anterior, serán denegadas independentemente da causa xustificativa que se alegue na respectiva solicitude de devolución de cota.

3 Cando unha persoa abandona a actividade, calquera que sexa o motivo, non terá dereito a ningún tipo de devolución do importe abonado.

Información

Para información **xeral** pódense dirixir a:

- o número **900 333 666** do **Teléfono Social** de forma gratuita.



- os **servizos de Dependencia e Autonomía Persoal** das xefaturas territoriais situados en:

A Coruña

Rúa Concepción Arenal, nº 7-9 - 15006 A Coruña.

Teléfono 881 881 528.

Lugo

Rúa Serra dos Ancares, nº 68 baixo - 27003.Lugo.

Teléfono 982 889 132.

Ourense

Rúa Sáenz Díez, nº 33 - 32003 Ourense.

Teléfono 988 386 178.

Vigo

Rúa Concepción Arenal, nº 8, 1º andar - 36201 Vigo.

Teléfono 986 817 217.

- os **servizos de Xuventude e Voluntariado** das xefaturas territoriais da Consellería de Política Social.

- os servizos sociais comunitarios dos concellos.

- os servizos sociais dos centros sanitarios.

Para información sobre a **xestión do programa, remisión de documentación, valoración de solicitudes e adxudicación de prazos** ao Servizo de Prevención da Dependencia, da Dirección Xeral de Maiores e Persoas con Discapacidade, teléfonos: 981-547437, 981-544640, autonomiapersoal.xps@xunta.gal